

南開大學中國社會史研究中心資料叢刊

近代世界地理志

26



鳳凰出版社

南開大學中國社會史研究中心資料叢刊

近代世界地理志

26



鳳凰出版社

第二十六冊

中外地理大全（第十一版）（四）

陶履恭 楊文洵 編譯

中華書局

民國二十三年……………一

第十一版

中外地理大全

(四)

陶履恭 楊文洵 編譯

中華書局

民國二十三年

第十三章 法蘭西 (France)

【位置、境域】 在歐羅巴之西部。爲世界強國之一。全國若不正之六角形。由大西洋岸至地中海岸。占有歐陸。實當全洲之要衝。其境域。北西隔英吉利海峽。及多維海峽。而望英國。東北與比利時。盧森堡。德意志接壤。東依猶勒山脈。界於瑞士。東南以亞爾伯山脈。與意大利劃境。南臨地中海。南西有比利牛山脈。與西班牙相連。西濱維斯開灣。

【法蘭西之國名】 往古稱爲塞爾大 (Celtic) 又高盧 (Gaul) 或高盧利亞 (Gallia) 第五世紀之頃。爲法蘭克族所征服。建設王國。後遂稱爲法蘭西云。

【英吉利海峽】 法人稱英吉利海峽曰拉曼秀 (Lamantio) 蓋『袖』之義。以其形相似云。

【廣袤】 由北端之加拉斯。至南端之比利牛山脈。約六百五十哩。由西端之勃列斯托岬。至東境之比爾福脫。五百五十哩。全面積二十萬七千〇五十四方哩。約當俄羅斯本國十分之一。而視奧地利爲小。與德意志畧同。加以殖民地保護地等。共有四百九十八萬三千百八十六方哩。又一八七〇年。普法戰爭之結果。亞爾薩斯。勞爾。五千六百餘方哩之地。割讓於德意志。及至一九一九年。世界大戰後。媾和會議。仍以二州還附於法。(詳見後篇)

【面積比較】 重要諸國之面積比較於左 (一九二三年調查)

俄羅斯本國 一七九五〇〇〇方哩 全面積 八三六〇〇〇〇方哩

法蘭西本國 二二二、六五四方哩 全面積 五、二九一、六九一方哩

德意志本國 一八一、五二五方哩

英吉利本國 一二一、三九一方哩 全面積 一二、九六八、一八二方哩

以上皆據大戰後改定之面積計算

【殖民地保護地】 茲舉法蘭西現今之殖民地及保護地如左

敘利亞……………一四、五三〇方哩

印度……………一九六方哩

安南……………三一〇、一七六方哩

東滿洲

交趾支那

東京及老撾

阿爾及耳(三四三、五〇〇方哩)突尼斯(四五、七七九方哩)

撒哈拉(一、五四四、〇〇〇方哩)

塞內加爾 塞內剛比亞及尼日利亞

法領幾內亞 象牙海岸 達荷美

莫理他尼亞

亞非利加

亞細亞

公果(六六九、二八〇方哩)索毛利海岸(五、七九〇方哩)

留尼安島(九七〇方哩)馬約他島(八四〇方哩)馬達介斯

加島(二二六、〇一五方哩)

亞美利加

圭亞那(三四、〇六〇方哩)瓜地羅布島(六八八方哩)……

馬知尼克島(三七八方哩)聖比耳及密庫倫(九六方哩)……

三五、二二三方哩

大洋洲

新喀利尼亞(七、二〇〇方哩)大洋洲諸島(一、五四四方哩)八、七四四方哩

總計 五、〇七九、〇三七方哩(亞洲之敘利亞、非洲之多麥隆、多哥倫、皆戰後之領土)

【地勢】

法蘭西之地勢大別之爲五部。(一)北部大平原。(二)中央高原。(三)亞爾伯山地。(四)西南部平原。(五)西北部丘陵地。

北部大平原 爲北部歐洲大平原之一部分。地味肥沃。有細南河。及羅亞爾河。以灌溉之。農產蕃殖。

中央高原 由國之中部稍偏東南。成一帶之高原。而以奧維爾諸山最爲高崇。自三千呎以至四千呎。內多熄火山。數達七十。熄火山之最高者曰度亞(Dore)高六千二百二十一呎。度亞之北方。有半圓形之山。曰比脫多摩。高四千八百〇六呎。是最大之火山也。其他各處。多高五六千呎之舊火山。

亞爾伯山地 中央高原之東。有羅尼河南流。河之東方。意大利境。則亞爾伯山脈盤屈焉。最高點白山。高一萬五千七百八十呎。乃亞爾伯全山系之最高峯也。越山而往意大利。有西尼斯隧道。又亞爾伯山脈之北。有猶勒山脈。分割法瑞二國之境。

【西尼斯隧道】 此隧道在法之巴爾多尼修與意之莫達納間。高八千二百九十四呎。實未嘗過西尼斯峯。但通過傍近之弗拉喬嶺而已。又日內發爾嶺 (Mt. Genevre) (西尼斯之南方) 今已通行馬車。羅馬之時。漢尼巴橫斷亞爾伯山。以侵入意大利。取道於此。

西南部平原 謂國之西南部。加隆內河灌溉之。維斯開灣海濱地方。名爲蘭朶。一面爲廣漠之沙原。飼養牛羊。其海岸沙邱連亘。內側有松柏之森林。

【蘭朶地方之牧畜】 住民業牧羊。多牾木馬。追隨羊羣。於沼澤間。砂丘長約七十二里。幅約五里。高自百尺以至百六十尺。

西北部丘陵 此即國之西北部及比利脫義諾爾曼德兩半島附近一帶之丘陵。又國之南部。西班牙境。有比利牛山脈。橫亘二國間。其平均高度。雖不如亞爾伯。然諸高峰。常見白雪。有名之比克豆米第 (Pic du midi) (九五四〇呎) 峰。高聳於法蘭西域內。而馬勒地塔 (Maladetta) (一一五〇〇呎) 與伯爾豆一峰 (Mt. Perdu) 恰峙於兩國之境。

如上所述。國境附近。雖有高峻山脈。而其內部。丘陵平野。一般平坦。海面之水準。若高百八

十米。法國之半部。將沒於水面下。又若高四百六十米。將僅中央高臺及比利牛、亞爾伯、猶勒等山脈之高點。浮現於水面上。此其地勢之非高峻可知也。

河流 河流從排水界。分英吉利海峽、維斯開灣、地中海三系。英吉利海峽系有細南河、維斯開灣系有加隆內河、羅亞爾河、地中海系有羅尼河。此法國之四大河也。此外尚有騷尼河、維倫河、削倫脫河、亞特爾河及其他各小流。以資灌溉。又諸大河流域廣大。便於舟楫。故有廣大肥饒之農業地。而法國通航河水。其數在百五十以上。縱橫交錯。形如蛛網。更爲運河以連絡之。宜其水利之大。與荷蘭相若矣。

【細南河】 發源於苛脫多爾。西北流至英吉利海峽之黎哈維里港。入於海。全長四百七十哩。由河口至脫維環三百四十哩間。有運輸之便。由哈維里至盧昂五十哩間。可通二千噸之大船。其上流與來因河、羅尼河、羅亞爾河、騷尼河、歇爾脫河、藐士河。皆有運河以相連絡。

【加隆內河】 發源於比利牛山。流於西北有名之葡萄產地。入日倫大灣。全長三百五十哩。其下流亦名日倫大河。由河口至叨羅斯二百七哩間。有運輸之便。世界有名葡萄酒大市場之波爾多。在河左岸。

【羅亞爾河】 此河發源於東南部之西維內山（中央高原之南部）自北而西流於國之中央。至阿爾良折南。西流。直達叨羅斯。更折西流。入於維斯開灣。全長六百哩。爲法蘭西第一長流。由河口上溯四十哩。至南的。皆有潮汐作用。通航行者。自羅恩內附近以下有五百五十八哩。此河頗有洪水之憂。自會阿爾里河後。河岸多築土堤。以

導河水且詣運河焉。

【羅尼河】發源於亞爾伯山。經列曼湖。西流折而西南。又西流於里昂之平野。而與騷尼河合。更南流爲法養蠶之地。終注於地中海。全長五百三十哩。然因流急。不便運輸。惟里昂以下。可通舟楫。

【海岸】海岸分大西洋岸及地中海岸。全長一千五百哩。內千百餘哩。屬大西洋岸。三百五十哩。屬地中海岸。大西洋岸。爲英吉利海岔與維斯開灣。其間除英吉利海岔外。概單簡灣入稍大者。僅有聖馬羅灣 (St. Malo) 及細南羅亞爾。日倫大。三河灣。日倫大河西南與亞特爾(流於國之西南隅)河間。蘭朵地方。其沿岸殆成直線。而維斯開灣岸。尤多砂丘。地中海岸。亦無甚出入。僅有一里昂灣而已。

岬角 西北海岸。多維海峽。有格利內滋 (Grines) 諾爾曼德半島之絕端。曰拉哈格 (La Hague) 西海岸有奧意遜脫 (Onesant) 聖馬求 (St. Mathien) 卑克豆拉 (Bec du Raz) 等島嶼。英吉利海岔。有奧意遜脫島 (一名厄世脫) 維斯開灣。有巴爾島 (Balle) 例島 (Re) 峨立倫島 (Oleron) 及其他諸小島。地中海有希利斯羣島 (Hyeres) 及哥塞牙 (Corsica) 大島。

【里昂灣】里昂蓋獅之意。灣內波濤險惡。故有此稱。或謂其因都會里昂而有此名。非也。

【哥塞牙島】爲地中海之第四大島。原屬於意大利。一七六八年以來。屬於法蘭西。以其爲拿破崙一世之誕生

地故特著名

【氣候】氣候概屬良好。推爲歐羅巴第一溫和之地。而各地間亦稍不同。卽西北部爲海岸氣候。寒暑之變化少。北東部內地稍具大陸氣候。寒暑之差大。又西南部地方氣候溫和。而東南部地方炎熱甚烈。降雨西部海岸地方最多。內地以漸減少。且比之歐洲他國多霧之地。天氣頗覺晴朗。

南部地方夏季有自亞非利加吹來西洛哥之熱風。冬季有自亞爾伯山下襲之米斯托拉爾風。具述於本洲總論。

【氣候之良好及其影響】法國以氣候溫和。生物易長。農產等物皆極富饒。生活之道從而較易。人民雍和愉快。富美術文學思想。然其風俗不免流爲奢侈焉。

【產業】農業氣候溫和。土地平坦肥沃。農業自易發達。多產小麥。及他穀類。其產地在北部及中部。小麥次於俄羅斯。爲歐洲之第二產地。葡萄及橄欖（阿列布）出產亦多。其產地在南部。又甜菜。北部地方亦栽培之。

附帶於農產者爲畜牧。牛（一三〇九五萬頭）馬（三九萬頭）羊（一七四萬頭）豚（六九萬頭）山羊（一四二萬頭）等。所畜不少。家兔、家禽、蜜蜂等之飼養亦盛。且雞卵之產額甚多。輸出於歐洲各地。

養蠶爲政府所銳意獎勵之事。一年之產額達六十五萬六千基瓦（世界第四位）（一九〇八年）

【農產總價額】 據馬爾哈爾氏之調查。農產總價額爲四十一億六千萬圓。

【職業之分配】 法國有農民一千五百四十四萬人。製造及採礦者九百五十三萬人。商業四百萬人。運送業百二十萬人。專門業百一十一萬人。資產家二百一十七萬人。

【蠶業】 法國二十四縣皆盛養蠶。而以格爾特羅姆、亞爾代、世、伏克利斯數地爲最。操業者近時達十二萬人。政府自一八九二年以來。銳意獎勵。操製絲業者。每年需四百萬法郎爲獎勵金。

【耕地之分配】 全國面積五千三百六十四萬六千三百七十希克達爾之中。有八百三十九萬七千三百一十一希克達爾爲山林。三千六百九十七萬七千九百八十八希克達爾爲耕地。休耕地及草地。

鑛業 鑛產雖不及英吉利。然其埋藏不爲不多。石炭年額二千六百萬噸（一九二〇年）爲世界第五。炭田之重要者二所。一在國之北東部。巴倫西內附近。一在南部聖給尼附近。鐵之產額比石炭爲多。年產銑鐵三百四十三萬噸。鋼鐵三百萬噸。居世界第四位。其他金、鉛、銅、亞爾尼烏姆、安的姆尼及食鹽皆有產出。歐戰時德國毀壞其北部之煤礦。故媾和會議。德以沙爾河流域之煤礦完全讓與法國。有自由開採之權。產額年達一千二百萬噸。漁業 有鱈、鯡、鱈等。據馬爾哈爾氏之調查。年額達四千八百萬圓。工業 製造業中。織物業最盛。法國昔日羊毛輸自西班牙。麻布輸自荷蘭。絹布輸自意大利。

利。今乃一變而稱世界之大織業國。其最盛者爲絹織物。毛織及麻布。次之。絹織物產地南部之里昂。尼美斯。亞維諾等地最著。毛織則北部之盧貝克斯。亞米安等出產最多。其他細麻布。組紐。絹布等類。多由北部地方產出。又製造手套甚有名。法國製造葡萄酒爲世界第一。有香冰酒（以東北香冰地方所製者故名）爲此國之特產。此外林檎酒。白蘭地酒等。釀造甚多。次則製糖業。年產八十三萬三千噸。居世界第六位。造船業占世界第四位（十五萬六千噸）。玻璃。磁器。製革業。亦有名。化學工藝。有香水。肥皂。製紙。製油等。其他鐘錶。手錶。寶石細工之類。皆含法國獨得之意匠。精緻巧妙。有稱於世。

【工業總價額】 據馬爾哈爾氏之調查。在五十九億六千萬圓以上。

【葡萄酒之產額】 法國葡萄酒。素稱名產。茲舉近數年之產額及其輸出額於左。（以千加倫爲單位。一加倫約合我國八升八合五勺餘。）

最近五年之產額

一九〇〇年

一、四四一、三三〇

一九一七年

八四〇、九九五

一九一八年

九二九、八一〇

重要貿易品。有棉織物、絹織物、橡皮貨品、葡萄酒、紙類、生絲及織絲、衣服、化學製品、汽車、金屬器具之輸出及羊毛、石炭、骸炭、棉花、生絲、石油、紫銅、機械、葡萄酒、加啡、穀類等之輸入。而馬塞耳、波爾多、黎哈維里、但幾爾克皆其重要商港也。就中馬塞耳尤盛。

【貿易品】重要貿易品之價額如左（一九二〇年）

一九二二年		輸出入	
		輸出	輸入
		二一、五四九、〇〇〇、〇〇〇	一、九九六、〇〇〇、〇〇〇
		二一、五五三、〇〇〇、〇〇〇	
棉織物	百萬佛郎	一、二六一、七	二、〇八七、四
絹織物		一、八一九、五	四、二〇二、二
橡皮貨		四六二、三	一、五六八、〇
葡萄酒		五三一、二	九四一、五
紙類		三六〇、五	五三七、五
生絲及織絲		二九四、五	二四八、一
衣服		一、六五〇、八	二、〇七〇、五
化學製品		一、一一九、三	六一九、四
第二編 歐羅巴洲 第十三章 法蘭西			一一

白 重 車

一、一八八、〇

咖 啡

六五九、九

金 屬 器 具

五二四八、三

穀 類

二、七五、八〇

【交通】 交通機關。最爲完全。鐵道以巴黎、里昂、波爾多爲三大中心。極形發達。東南更由西尼斯隧道。通亞爾伯山系。以入意大利。鐵道總延長。達二萬五千哩。其經營多委私立公司。而政府監督之。與以補助。今舉一九〇八年之鐵道線路及建設費等如左。

線 路	建 設 費	收 入	支 出	乘 客	貨 物 運 送
二五、〇〇〇哩	七一四、〇八〇千磅	六八、〇六六千磅	三八、二二七千磅	四七四、三三五千人	一五六、五〇四千噸

電氣鐵道。一九〇八年度。有四千七百哩。

河 運 自四大河及他可通舟楫之河流。共百五十有餘。於此開數多運河以連絡之。航行極爲便利。計可航行之河川。延長五千四百八十哩。(實際航行者四一四〇哩)而運河達三千七十五哩。此外尚有通筏之河川。千八百五十哩。

運河之重大者有五。(一)連絡卑爾福脫與斯多拉堡(德屬)之羅尼來因二河間之運河。(二)連絡通過南錫之貌士來因二河之運河。(三)連絡羅尼河與羅亞爾河上流之中央運河。(四)連絡迭仍與細南河之布爾岡低運河。(五)連絡西德與叨羅斯。而通航地中海。